

iza tačke 7. dodaje se nova tačka 7a., iza tačke 11. dodaje se nova tačka 11a., koje glase:

7a.	Integrirani studij prvog i drugog ciklusa studija na engleskom jeziku čije troškove snose sami studenti - Medicinski fakultet	12 000, 00
11a	Integrirani studij prvog i drugog ciklusa studija na engleskom jeziku, studenti sa prostora država bivše SFRJ - redovni studij na engleskom jeziku čije troškove snose sami studenti - Medicinski fakultet	12 000, 00

II

Ova Odluka stupa na snagu danom donošenja, a objavit će u "Službenim novinama Kantona Sarajevo".

Broj 02-05-6532-10/15

16. aprila 2015. godine

Sarajevo

Premijer

Elmedin Konaković, s. r.

Ministarstvo za obrazovanje, nauku i mlade

Na osnovu čl. 24., 29. i 55. Zakona o naučnoistraživačkoj djelatnosti ("Službene novine Kantona Sarajevo", broj 10/04), ministar za obrazovanje, nauku i mlade Kantona Sarajevo donosi

PRAVILNIK

O POSTUPKU OSNIVANJA I POČETKU RADA PRAVNIH LICA ZA OBAVLJANJE NAUČNOISTRAŽIVAČKE DJELATNOSTI, UPISU I BRISANJU IZ REGISTRA PRAVNIH LICA ZA OBAVLJANJE NAUČNOISTRAŽIVAČKE DJELATNOSTI I FIZIČKIH LICA KOJA SE BAVE NAUČNOISTRAŽIVAČKIM RADOM NA PODRUČJU KANTONA SARAJEVO

Član 1.

(Predmet Pravilnika)

Ovim pravilnikom preciznije se uređuje postupak osnivanja, provjere ispunjenosti uslova za početak rada i daljnji rad pravnog lica za obavljanje naučnoistraživačke djelatnosti na području Kantona Sarajevo te upis, brisanje, sadržaj i način vođenja *Registra pravnih lica za obavljanje naučnoistraživačke djelatnosti i fizičkih lica koja se bave naučnoistraživačkim radom na području Kantona Sarajevo* (u daljnjem tekstu: Registar).

Član 2.

(Nadležnost za provođenje postupka i upis u Registar)

- (1) Postupak provjere ispunjenosti uslova za osnivanje, početak rada i daljnji rad pravnog lica za obavljanje naučnoistraživačke djelatnosti na području Kantona Sarajevo te upis u Registar vrši Ministarstvo za obrazovanje, nauku i mlade Kantona Sarajevo (u daljnjem tekstu: Ministarstvo).
- (2) Upis u Registar vrši se na osnovu rješenja Ministarstva kojim se utvrđuje ispunjenost uslova za početak rada i daljnji rad pravnog lica za obavljanje naučnoistraživačke djelatnosti, na način i u postupku utvrđenim Zakonom o naučnoistraživačkoj djelatnosti i ovim pravilnikom.

Član 3.

(Pokretanje postupka)

- (1) Postupak provjere ispunjenosti uslova za početak rada i daljnji rad pravnog lica u osnivanju za obavljanje naučnoistraživačke djelatnosti pokreće se na zahtjev osnivača.
- (2) Uz zahtjev iz stava (1) ovog člana osnivač obavežno prilaže:
 - a) prijedlog elaborata o opravdanosti osnivanja pravnog lica u osnivanju za obavljanje naučnoistraživačke djelatnosti;
 - b) dokaz o uplati novčanog iznosa utvrđenog Odlukom Vlade Kantona Sarajevo za potrebe troškova vođenja postupka osnivanja pravnog lica za obavljanje naučnoistraživačke djelatnosti.
- (3) Elaborat o opravdanosti osnivanja pravnog lica za obavljanje naučnoistraživačke djelatnosti obavežno sadrži: podatke o osnivaču, sjedište i naziv pravnog lica, ciljeve, djelokrug rada, kadrovsku i infrastrukturnu opremljenost, način obezbjeđenja finansijskih sredstava za rad.
- (4) Nakon dostavljanja urednog zahtjeva iz stava (1) ovog člana, Ministarstvo rješenjem imenuje ekspertnu komisiju radi razmatranja zahtjeva i davanja stručnog mišljenja o dostavljenom elaboratu o opravdanosti osnivanja pravnog lica za obavljanje naučnoistraživačke djelatnosti.
- (5) Nakon ocjene elaborata od strane ekspertne komisije, uredan zahtjev osnivača, sa stručnim mišljenjem ekspertne komisije, Ministarstvo dostavlja Vladi Kantona Sarajevo (u daljnjem tekstu: Vlada) koja, u slučaju donošenja pozitivne odluke o podnesenom zahtjevu i elaboratu, prijedlog upućuje Skupštini Kantona Sarajevo (u daljnjem tekstu: Skupština) na razmatranje i odlučivanje.
- (6) Protiv odluke Vlade kojom se ne daje saglasnost za osnivanje pravnog lica za obavljanje naučnoistraživačke djelatnosti nije dozvoljena žalba, ali se može pokrenuti upravni spor pred nadležnim sudom u Sarajevu u roku od 30 dana od dana prijema odluke.
- (7) Ukoliko se radi o specifičnoj djelatnosti pravnog lica u osnivanju za obavljanje naučnoistraživačke djelatnosti odnosno djelatnosti koja je regulisana posebnim zakonom (vojna industrija, policijska djelatnost, zdravstvo, farmacija i sl.) Ministarstvo će, prije upućivanja elaborata i mišljenja ekspertne komisije na odlučivanje Vladi, pribaviti zvaničan stav nadležnih institucija/organa u vezi sa podnesenim zahtjevom i donošenjem odluke o istom.
- (8) Nakon što Skupština donese odluku kojom se daje saglasnost za osnivanje pravnog lica za obavljanje naučnoistraživačke djelatnosti, osnivač imenuje komisiju matičara, čiji sastav treba biti u skladu sa odredbama Zakona koje se odnose na izbor u naučna i istraživačka zvanja, a koja obavlja sljedeće poslove:
 - a) donosi pravila odnosno statut;
 - b) objavljuje konkurs i vrši izbor u naučna i istraživačka zvanja u skladu sa zakonom;
 - c) imenuje direktora pravnog lica u osnivanju za obavljanje naučnoistraživačke djelatnosti;
 - d) objavljuje konkurs i vrši izbor članova upravnog i nadzornog odbora pravnog lica u osnivanju za obavljanje naučnoistraživačke djelatnosti;
 - e) preduzima ostale potrebne aktivnosti u procesu ispunjavanja uslova neophodnih za početak rada i daljnji rad

pravnog lica u osnivanju za obavljanje naučnoistraživačke djelatnosti;

- f) dostavlja osnivaču izvještaj o ispunjenosti uslova potrebnih za početak rada i daljnji rad pravnog lica u osnivanju za obavljanje naučnoistraživačke djelatnosti sa obrazloženim kalendarom aktivnosti i datumom početka rada.
- (9) Nakon što komisija matičara dostavi izvještaj da su ispunjeni uslovi neophodni za početak rada i daljnji rad pravnog lica u osnivanju za obavljanje naučnoistraživačke djelatnosti, osnivač donosi akt o osnivanju pravnog lica za obavljanje naučnoistraživačke djelatnosti.
- (10) Nakon naprijed navedenih aktivnosti, Ministarstvo imenuje stručnu komisiju za provjeru ispunjenosti uslova za početak rada i daljnji rad pravnog lica u osnivanju za obavljanje naučnoistraživačke djelatnosti.

Član 4.

(Provjera ispunjenosti uslova od strane stručne komisije)

- (1) Uz zahtjev za provjeru ispunjenosti uslova za početak rada i daljnji rad osnivač pravnog lica za obavljanje naučnoistraživačke djelatnosti dostavlja:
- a) odluku Vlade i Skupštine o davanju saglasnosti na elaborat o opravdanosti osnivanja pravnog lica za obavljanje naučnoistraživačke djelatnosti;
- b) odluku osnivača o osnivanju pravnog lica za obavljanje naučnoistraživačke djelatnosti;
- c) usvojen statut odnosno pravila od strane nadležnog tijela pravnog lica za obavljanje naučnoistraživačke djelatnosti;
- d) dokaz da je obezbijedeno najmanje 20% zaposlenika sa naučnim stepenom doktora nauka i izborom u zvanje iz odgovarajuće oblasti i najmanje 20% zaposlenika sa naučnim stepenom magistra nauka i izborom u zvanje iz odgovarajuće oblasti;
- e) dokaz da je imenovan savjet odnosno drugo stručno odgovarajuće tijelo sastavljeno od najmanje pet članova od kojih najmanje 40% ima naučni stepen doktora nauka i odgovarajući izbor u zvanje i 40% naučni stepen magistra nauka i odgovarajući izbor u zvanje;
- f) dokaz da su provedeni izbori u zvanje zaposlenika od strane stručnog tijela u skladu sa Zakonom o naučnoistraživačkoj djelatnosti i pravilima odnosno statutom;
- g) dokaz da je za direktora pravnog lica za obavljanje naučnoistraživačke djelatnosti imenovano lice koje posjeduje naučni stepen doktora nauka;
- h) dokaz da je za obavljanje naučnoistraživačke djelatnosti obezbijeden prostor, oprema i sredstva u skladu sa elaboratom.
- (2) Po zahtjevu iz stava (1) ovog člana Ministarstvo imenuje stručnu komisiju za provjeru ispunjenosti uslova za početak rada pravnog lica za obavljanje naučnoistraživačke djelatnosti.
- (3) Stručnu komisiju iz stava (2) ovog člana, koja broji najmanje pet članova, imenuje Ministarstvo iz reda istaknutih naučnih radnika i stručnjaka iz odgovarajuće oblasti sadržane u elaboratu, predstavnika osnivača pravnog lica za obavljanje naučnoistraživačke djelatnosti te predstavnika Ministarstva.
- (4) Stručna komisija iz stava (3) ovog člana razmatra zahtjev, procjenjuje dokaze i vrši provjeru ispunjenosti uslova na licu

mjesta propisanih Zakonom o naučnoistraživačkoj djelatnosti i ovim pravilnikom, koji se odnose na:

- a) posjedovanje optimalnih kadrovskih pretpostavki za realizaciju naučnoistraživačke djelatnosti (20% zaposlenika sa naučnim stepenom doktora nauka i 20% zaposlenika sa naučnim stepenom magistra nauka, sa izborom u zvanje za odgovarajuću oblast). Pod stalnim radnim odnosom podrazumijeva se radni odnos zasnovan kod pravnog lica za obavljanje naučnoistraživačke djelatnosti na vremenski period izbora u zvanje i za koji je izvršena prijava na PIO/MIO;
- b) posjedovanje odgovarajuće specijalizirane opreme za obavljanje naučnoistraživačke djelatnosti obezbijeden prostor, oprema i sredstva u skladu sa elaboratom;
- c) posjedovanje i raspoloživost specijaliziranih učionica, laboratorija i drugih prostorija namijenjenih za obavljanje naučnoistraživačke djelatnosti;
- d) ispunjenost sanitarnih i zdravstveno-higijenskih uslova;
- e) ispunjenost arhitektonskih uslova;
- f) ispunjenost u pogledu broja radnika za obavljanje administrativnih, računovodstveno-finansijskih, drugih opštih i tehničkih poslova što se utvrđuje u skladu sa specifičnim potrebama pravnog lica za obavljanje naučnoistraživačke djelatnosti;
- g) ispunjenost uslova u pogledu broja radnika na održavanju higijene objekta i opreme.
- (5) O utvrđivanju uslova iz stava (4) ovog člana stručna komisija obavezno sačinjava zapisnik.

Član 5.

(Upis pravnih lica u Registar)

- (1) Nakon što stručna komisija iz člana 4. ovog pravilnika provede postupak u skladu sa rješenjem o imenovanju, podnosi izvještaj o svom radu Ministarstvu sa mišljenjem o ispunjenosti propisanih uslova za početak rada i daljnji rad i prijedlogom u odnosu na donošenje rješenja kojim se novoosnovanom pravnom licu za obavljanje naučnoistraživačke djelatnosti dozvoljava početak rada.
- (2) Na osnovu rješenja o ispunjenosti uslova za početak rada novoosnovano pravno lice za obavljanje naučnoistraživačke djelatnosti na području Kantona Sarajevo upisuje se u Registar.
- (3) Ministarstvo će izvršiti upis u Registar nakon što novoosnovano pravno lice za obavljanje naučnoistraživačke djelatnosti dostavi rješenje Ministarstvu da je upisano u sudski registar.
- (4) Pravno lice za obavljanje naučnoistraživačke djelatnosti može početi sa radom nakon izvršenog upisa u registre iz st. (2) i (3) ovog člana.

Član 6.

(Upis fizičkih lica u Registar)

- (1) Fizičko lice koje se bavi naučnoistraživačkim radom može podnijeti zahtjev za upis u Registar.
- (2) Uz zahtjev iz stava (1) ovog člana fizičko lice prilaže odluku o izboru u naučnoistraživačko zvanje izvršeno kod javne ustanove, ustanove ili pravnog lica za obavljanje naučnoistraživačke djelatnosti na području Kantona Sarajevo.
- (3) Ukoliko fizičko lice koje se bavi naučnoistraživačkim radom u roku od 30 dana nakon proteka perioda za koji je izvršen izbor u zvanje ne dostavi novu odluku o izboru u zvanje (isto ili više

zvanje s tim da je izbor izvršen kod javne ustanove, ustanove ili pravnog lica za obavljanje naučnoistraživačke djelatnosti na području Kantona Sarajevo), Ministarstvo će po službenoj dužnosti izvršiti brisanje fizičkog lica iz Registra.

Član 7.

(Sadržaj i izgled Registra - pravna lica)

- (1) Registar za pravna lica vodi se u formi knjige.
- (2) Registar za pravna lica sadrži sljedeće rubrike za upisivanje podataka:
 - a) broj knjige, redni broj upisa i datum upisa;
 - b) naziv pravnog lica za obavljanje naučnoistraživačke djelatnosti (sa napomenama);
 - c) sjedište i adresu pravnog lica za obavljanje naučnoistraživačke djelatnosti (sa napomenama);
 - d) naziv osnivača (sa napomenama);
 - e) broj i datum akta nadležnog organa o davanju saglasnosti na elaborat o opravdanosti osnivanja pravnog lica za obavljanje naučnoistraživačke djelatnosti (odluka Vlade i Skupštine) (sa napomenama);
 - f) broj i datum rješenja Ministarstva o ispunjavanju uslova za početak rada pravnog lica za obavljanje naučnoistraživačke djelatnosti (sa napomenama);
 - g) broj i datum akta nadležnog organa o prestanku/zabrani rada pravnom licu za obavljanje naučnoistraživačke djelatnosti (sa napomenama);
 - h) napomena.
- (3) Podaci se u Registar iz stava (1) ovog člana upisuju plavim mastilom ili hemijskom olovkom sa plavom tintom.
- (4) Ispravka pogrešno izvršenog upisa vrši se na taj način što se pogrešno upisani tekst precrtava hemijskom olovkom sa crvenom tintom tako da ostane čitljiv, a iznad njega se upiše ispravan tekst hemijskom olovkom sa plavom tintom.
- (5) Izmjena podataka vrši se na taj način što se pogrešno upisani tekst precrtava hemijskom olovkom sa crvenom tintom tako da ostane čitljiv, a ispod njega se upiše novi tekst hemijskom olovkom sa plavom tintom dok se u rubrici "Napomena" upiše razlog za izmjenu podataka.
- (6) Brisanje pravnog lica koje obavlja naučnoistraživačku djelatnost na području Kantona Sarajevo iz Registra vrši se na taj način što se hemijskom olovkom sa crvenom tintom zaokruži redni broj i dijagonalno precrtaju rubrike iz stava (2) tač. od a) do f) ovog člana, u rubrici g) hemijskom olovkom sa plavom tintom upiše broj i datum akta nadležnog organa o prestanku rada pravnog lica koje obavlja naučnoistraživačku djelatnost na području Kantona Sarajevo, a u rubrici h) upiše razlog brisanja.
- (7) Registar iz stava (1) vodi se u tvrdo povezanoj knjizi tamnoplavih korica, formata A-3, koja sadrži 200 listova bijele boje, odnosno 400 numerisanih stranica na kojima se nalaze rubrike za upisivanje podataka iz stava (2) ovog člana.
- (8) U gornjem lijevom uglu prednje korice knjige iz stava (7) ovog člana latiničnim pismom velikim slovima bijele boje, font Times New Roman 16, bold, ispisan je tekst "Bosna i Hercegovina, Federacija Bosne i Hercegovine, Kanton Sarajevo, Ministarstvo za obrazovanje, nauku i mlade", a na sredini korica velikim slovima bijele boje, font Times New Roman 18, bold, ispisan je tekst "Registar pravnih lica za obavljanje naučnoistraživačke djelatnosti i fizičkih lica koja se

bave naučnoistraživačkim radom na području Kantona Sarajevo - Pravna lica".

- (9) Na unutrašnjoj strani prednje korice knjige iz stava (7) ovog člana na vrhu u sredini velikim crnim slovima font Times New Roman 14, bold, ispisan je tekst "Uputstvo za vođenje Registra pravnih lica za obavljanje naučnoistraživačke djelatnosti i fizičkih lica koja se bave naučnoistraživačkim radom na području Kantona Sarajevo - Pravna lica", ispod kojeg je crnim slovima font Times New Roman 12, bold, ispisan tekst iz ovog člana st. (3) do (6).
- (10) Na prvoj stranici knjige iz stava (7) ovog člana na sredini velikim slovima crne boje, font Times New Roman 14, bold, ispisan je tekst "Registar pravnih lica za obavljanje naučnoistraživačke djelatnosti i fizičkih lica koja se bave naučnoistraživačkim radom na području Kantona Sarajevo - Pravna lica". Od druge stranice pa do kraja knjige nalaze se rubrike za upisivanje podataka iz ovog stava (2) ovog člana.

Član 8.

(Sadržaj i izgled Registra - fizička lica)

- (1) Registar za fizička lica vodi se u elektronskoj formi.
- (2) Registar iz stava (1) ovog člana sadrži sljedeće rubrike za upisivanje podataka:
 - a) redni broj upisa i datum upisa;
 - b) ime i prezime fizičkog lica koje se bavi naučnoistraživačkim radom (sa napomenama);
 - c) broj i datum odluke o izboru u zvanje fizičkog lica koje se bavi naučnoistraživačkim radom;
 - d) period izbora u zvanje fizičkog lica koje se bavi naučnoistraživačkim radom;
 - e) datum isteka izbora u zvanje (sa napomenama);
 - f) sjedište i adresa javne ustanove, ustanove ili pravnog lica za obavljanje naučnoistraživačke djelatnosti na području Kantona Sarajevo kod koje je izvršen izbor u zvanje fizičkog lica koje je podnijelo zahtjev za upis u Registar (sa napomenama);
 - g) datum brisanja iz Registra sa obrazloženjem (sa napomenama);
 - h) napomena.
- (3) U gornjem lijevom uglu prednje stranice Registra iz stava (1) ovog člana latiničnim pismom velikim slovima crne boje, font Times New Roman 16, bold, ispisan je tekst "Bosna i Hercegovina, Federacija Bosne i Hercegovine, Kanton Sarajevo, Ministarstvo za obrazovanje, nauku i mlade", a na sredini korica velikim slovima crne boje, font Times New Roman 18, bold, ispisan je tekst "Registar pravnih lica za obavljanje naučnoistraživačke djelatnosti i fizičkih lica koja se bave naučnoistraživačkim radom na području Kantona Sarajevo - Fizička lica".
- (4) Od druge stranice pa nadalje nalaze se rubrike za upisivanje podataka iz stava (1) ovog člana.
- (5) Brisanje fizičkog lica iz Registra vrši se na taj način što se precrtaju rubrike iz stava (1) od a) do f), u rubrici g) upiše datum brisanja i obrazloženje, a u rubrici h) razlog brisanja.

Član 9.
(Nadzor)

- (1) Nadzor nad zakonitošću rada pravnog lica koje obavlja naučnoistraživačku djelatnost vrši Ministarstvo u skladu sa zakonom.
- (2) Pravno lice koje je dobilo dozvolu za rad za obavljanje naučnoistraživačke djelatnosti i upisano u Registar, obavezno je Ministarstvu dostavljati godišnje i šestomjesečne finansijske izvještaje sa izvještajem o radu.
- (3) Ministarstvo može prije nastupanja roka za dostavljanje izvještaja iz stava (2) ovog člana od pravnog lica koje obavlja naučnoistraživačku djelatnost zatražiti dostavljanje podataka koje ocijeni relevantnim za usluge funkcije nadzora.
- (4) Ukoliko pravno lice koje obavlja naučnoistraživačku djelatnost ne dostavi podatke iz st. (2) i ovog člana ili djeluje suprotno rješenju kojim se dozvoljava početak rada, Ministarstvo može donijeti rješenje o brisanju iz Registra, o čemu će obavijestiti nadležni sud i druge institucije.
- (5) Odredbe ovog pravilnika primjenjivat će se i na sve zaprimljene zahtjeve za osnivanje pravnog lica za obavljanje naučnoistraživačke djelatnosti u slučaju gdje nije izvršeno imenovanje ekspertne komisije.

Član 10.
(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 11-05-02-6762-1/15
15. aprila 2015. godine
Sarajevo

Ministar
Prof. dr. **Elvir Kazazović**, s. r.

UPUTSTVO ZA VOĐENJE REGISTRA
PRAVNIH LICA ZA OBAVLJANJE
NAUČNOISTRAŽIVAČKE DJELATNOSTI I
FIZIČKIH LICA KOJA SE BAVE
NAUČNOISTRAŽIVAČKIM RADOM NA
PODRUČJU KANTONA SARAJEVO - PRAVNA LICA

Podaci se u Registar iz stava (1) ovog člana upisuju plavim mastilom ili hemijskom olovkom sa plavom tintom.

Ispravka pogrešno izvršenog upisa vrši se na taj način što se pogrešno upisani tekst precрта hemijskom olovkom sa crvenom tintom tako da ostane čitljiv, a iznad njega se upiše ispravan tekst hemijskom olovkom sa plavom tintom.

Izmjena podataka vrši se na taj način što se pogrešno upisani tekst precрта hemijskom olovkom sa crvenom tintom tako da ostane čitljiv, a iznad njega se upiše ispravan tekst hemijskom olovkom sa plavom tintom.

Izmjena podataka vrši se na taj način što se pogrešno upisani tekst precрта hemijskom olovkom sa crvenom tintom tako da ostane čitljiv, a ispod njega se upiše novi tekst hemijskom olovkom sa plavom tintom dok se u rubrici "Napomena" upiše razlog za izmjenu podataka.

Brisanje pravnog lica koje obavlja naučnoistraživačku djelatnost na području Kantona Sarajevo iz Registra vrši se na taj način što se hemijskom olovkom sa crvenom tintom zaokruži redni broj i dijagonalno precrtaju rubrike iz stava (2) tač. od a) do f) ovog člana, u rubrici g) hemijskom olovkom sa plavom tintom upiše broj i datum akta nadležnog organa o prestanku rada pravnog lica koje obavlja naučnoistraživačku djelatnost na području Kantona Sarajevo, a u rubrici h) upiše razlog brisanja.

Obrazac R-PLNID

Registar pravnih lica za obavljanje naučnoistraživačke djelatnosti i fizičkih lica koja se bave naučnoistraživačkim radom na području Kantona Sarajevo – Pravna lica

a) Broj knjige: _____	Redni broj: _____	Datum upisa: _____
--------------------------	-------------------	--------------------

PRAVNO LICE ZA OBAVLJANJE NAUČNOISTRAŽIVAČKE DJELATNOSTI		Napomene
b) Naziv		
c) Sjedište i adresa		
d) Naziv osnivača		
e) Broj i datum akta nadležnog organa o davanju saglasnosti na elaborat o opravdanosti osnivanja (odluka Vlade i Skupštine)		
f) Broj i datum rješenja Ministarstva o ispunjavanju uslova za početak rada		
g) Broj i datum akta nadležnog organa o prestanku/zabrani rada		
h) Napomene		